



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Præmittenda ad resolutionem quæstionis

[urn:nbn:de:hbz:466:1-77355](#)

DISPV TATIO PRIMA

4

ex Aristotele & D. Thoma adducta, intelligi-
tur de primo non solum duratione, sed etiam
perfectione; & ideo Aristoteles loco citato
non dixit, *primum*, sed *maximum in unoquoque genere*. Et S. Thomas 2. 2. qu. 163. art. 3. ad
3. ait, quod *primum* in unoquoque genere est
maximum. Videatur Capreolus in 2. dist. 14. qu.
1. ad 1.

6. Secunda ratio, quam D. Thomas ad proban-
dam nostram conclusionem adducit in corpore
articuli, si potest proponi. Cujuslibet poten-
tiae actiones sunt secundum rationem objecti
illius, sive tendunt ad objectum ipsius: Atqui
objectum voluntatis est finis & bonum: Ergo
actiones procedentes à voluntate humana ten-
dunt in finem; atque adeò in illis homo agit
propter finem.

Dices, Hic discrusus non videtur efficax:
tum quia supponit finem esse objectum adæqua-
tum voluntatis, seu esse adæquatè idem quod
bonum, ita quod media intrinsecè & in le ra-
tionem boni non participant; quod videtur
falsum, & negatur à multis etiam è Schola D.
Thomæ: tum etiam, quia hoc dato, conse-
quentia non videtur legitima: ex eo liquidem
quod aliquid sit objectum aliquius potentiae,
non sequitur quod talis potentia operetur propter
illud, sed solum quod circa illud veretur.
Hoc patet in visione: licet enim omnis actus
videndi sit circa colorem, non propterea sequi-
tur quod sit propter ipsum colorem (color quippe
non est finis visionis) sed solum quod in ip-
sum tendat, & ad illum terminetur: Ergo ex eo
quod bonum & finis sit objectum voluntatis,
non rectè probatur quod actiones humanae sint
propter finem, nec causalitas finalis bene in-
fertur ex objectiva.

3. Verum hæc frivola sunt, & vim rationis D.
Thomæ non infringunt. Et quidem ad primum
fusè respondebitur infra circa qu. 8. ubi dispu-
tabitur, an media habeant aliquam intrinsecam
bonitatem, an verò solum finis adæquatè sit
bonus? Modò interim dicimus, vim probatio-
nis D. Thomæ tenere in utraque sententia: quia
si solum finis est intrinsecè bonus, & adæqua-
tum objectum voluntatis, manifestum est quod
ad omnes actiones voluntatis se extendat: si ve-
rò non est adæquatum objectum terminativum
voluntatis, seu ratio formalis quæ adæquata
illius; est saltem in omnium sententia objectum
ejus motivum, seu ratio formalis sub qua, &
cujus gratiâ cetera appetuntur: unde præbet
mediis motivum rationemque appetibilis, sicut
lux coloribus vim movendī visum; subindeque
ambit omnes actiones voluntatis, sicut lux
omnes colores, & omnes actus videnti. Itaque
ex eo quod objectum voluntatis sit finis, rectè
probat D. Thomas, omnes actiones humanas,
seu ad voluntatem pertinentes, esse propter fi-
nem: quia licet non omnes versentur circa fi-
nem, tanquam circa rem volitam, omnes ta-
men versantur circa illum, tanquam circa ra-
tionem volendi.

9. Ad secundum dicendum est, quod licet ex
eo quod aliquid sit objectum potentiae, abso-
lutè loquendo non sequatur quod talis poten-
tia operetur propter illud, bene tamen ex eo
quod est objectum & finis: quia sicut propria
ratio objecti est, quod circa illud veretur actio,
ita propria ratio & causalitas finis est, ut omne
quod sit ejus motivo, fiat propter finem. Unde

patet disparitas ad exemplum adductum: color
enim non est finis, sed tantum objectum visio-
nis; bonum autem est simul objectum & finis
voluntatis.

ARTICVLVS SECUNDVS.

*Vtrum omnes actiones humane sint effectus
finis, seu propter finem?*

§ I.

Premittenda ad resolutionem questionis.

SUPPONO primò ex D. Thoma hic art. 1.
Actiones qua ab homine procedunt esse in
duplici differentia: quædam dicuntur hominis;
alii dicuntur humane: Priora sunt qua ab ho-
mine producuntur, sed tamen ipsi cum aliis ra-
tiones parentes sunt communes: humanæ ve-
rò (inquit S. Doctor) vocantur illa qua sunt
propria hominis in quantum est homo, seu qua
conveniunt homini in quantum differt ab aliis
irrationalibus creaturis. Porro dupliciter homo
differt à brutis in operando: primò quantum ad
substantiam operis, quia scilicet elicet opera-
tiones immateriales & intellectuales, quarum
bruta capacia non sunt: secundò quantum ad
modum operandi, quia nimis motus se, non
solum physicè & vitaliter, sicut irrationalia,
sed etiam moraliter, agendo cum indifferentia,
libertate, & domino suorum actuum. Unde
duplici modo actiones ab homine procedentes
possunt dici humanæ, nimis quantum ad
substantiam, & quantum ad modum: primò
modò omnes operationes procedentes à gradu
intellectivo, etiam qua præveniunt omnem de-
liberationem rationis (cujusmodi sunt prima
operatione intellectus, motus primi pri-
volutatis, & similes) dicuntur humane: secun-
dò modò, solæ actiones liberae.

Suppono secundò: quod in Philosophia, aut
Theologia morali, solæ posteriores actiones sunt
dicendæ humane: Quia moralis considerat ho-
minem, ut est agens morale, ejusque opera-
tiones prout sunt dignæ laude vel vituperiō, &
habent rationem meriti vel demeriti: Sed hoc
illis convenit præcipue ratione libertatis: Ergo
in Theologia morali solæ actiones liberae hu-
manæ dicuntur.

E Confiratur: Quemadmodum res aliqua di-
citur esse politicè & civiliter alicuius, quando
ille est ejus dominus, ac de ea potest propriè
authoritate disponere, eam conservando,
vel consumendo, prout illi placuerit; ita illa
actio propriè & moraliter dicitur esse hominis,
& consequenter esse actio, seu actus humanus,
qua subicitur ejus potestati & dominio; ita ut
eam possit ponere vel non ponere, prout illi
placuerit: Atqui homo habet dominium, & po-
testatem in suis actus, ratione libertatis: Er-
go illæ solum actiones propriæ humanæ dici
possunt, quæ ab homine liberè eliciuntur. Ita
S. Thomas loco citato, ubi sic discurrit: *Illa
solæ actiones vocantur propriæ humanæ, quarum
homo est dominus: est autem homo dominus suo-
rum actuum per rationem & voluntatem; unde &
liberum arbitrium esse dicitur facultas voluntatis
& rationis. Illa ergo actiones propriæ humanæ di-
cuntur, quæ ex voluntate deliberata procedunt.*

Ubi S. Doctor actiones humanas dicit esse illas, quarum homo est dominus, & qua ex voluntate deliberata procedunt. Quæ duo, ut notat Conradus, solum differunt verbis: nam hominem habere dominium suarum actionum, non est illas possidere tanquam suas; quia suæ etiam sunt operationes metè naturales: neque est habere ius, ratione cuius licet sibi eas exercere; quia sic homo non diceretur dominus actionis malæ: neque est etiam agere sponte & sine coactione; quia hoc etiam convenit pueris & amentibus, qui tamen non habent dominium suarum actionum: Superest ergo quod habere dominium suarum actionum, sit habere facultatem ad exercendum, vel omittendum illas (quod idem est ac eas à voluntate deliberata procedere) atque adeò quod illa duo sint idem. Advertendum est etiam, D. Thomam voluntatem liberam appellare voluntatem deliberatam: non quod deliberatio sit actus voluntatis (deliberare enim ad rationem pertinet) sed quia voluntas libera, necessariò presupponit deliberationem ex parte intellectus.

Suppono tertio, actiones humanas esse adhuc in duplice differentia: quædam enim resistent in ipsa voluntate, & appellantur actiones elicitiæ: alia vero eliciuntur ab aliis potentissi, quæ tamen, quia sunt ex motione & imperio ipsius voluntatis, liberè moventis, appellantur actiones à voluntate imperatae. Rursum actus à voluntate eliciti plures distingui possunt: nam alij finem, alij media respiciunt; idque vel in ordine intentionis, vel in ordine executionis. Primus actus est simplex voluntas finis, quæ non moveat ad inquirendæ media, sed inefficaciter fertur in finem; & ideo velleitas potius quam absolute voluntas solet appellari. Post hunc sequitur intentio finis, quæ voluntas tendit in finem, ut per media obtinendum. Deinde sequitur consensus, seu simplex complacencia circa media; & postea elección mediorum quæ intellectus judicavit convenientia ad finem obtinendum. Et hi sunt actus quos voluntas elicit in ordine intentionis. Post quem sequitur ordo executionis; in quo adhuc duplex datur actio à voluntate elicita: nam una versatur circa executionem mediorum, & appellatur vultus actius: alia versatur circa finem jam adeptum, & dicitur fruitio, gaudium, vel quies in fine adepto. Denique actus imperati sunt in duplice differentia: Primo enim propriæ & strictæ actus intellectus, & aliarum potentiarum à voluntate, ad quorum productionem applicantur ab ipsa voluntate, dicuntur actus imperati. Secundo dum voluntas seipsum applicat & moveat ad elicendum actum amoris v. g. talis actus, quamvis ex quo à voluntate producitur, dicitur elicitus, ex quo tamen presupponit alium actum voluntatis à quo fuit imperatus, potest latè modò dici actus imperatus.

S. II.

Corollaria precedentis doctrinae.

X. Ex dictis in prima & secunda suppositione inferes primo, actum ridendi, flendi, admirandi, si sunt absque deliberatione, non esse propriæ actus humanos: quia licet sint propriæ homini, quantum ad substantiam & rationem specificam, non tamen quantum ad modum

A quod sunt; utpote cum sunt modò necessariò qui est proprius modus operandi irrationalium. Econtra verò actus comedendi & bibendi, sunt cum deliberatione rationis, sunt verè & propriæ actus humani, quia licet quantum ad substantiam non convenient homini, quatenus differt à brutis, quoad modum tamen quod sunt, scilicet cum indifferentia & libertate, homini duntaxat convenient.

B Inferes secundò, primam intellectus cogitationem, & motus voluntatis indeliberatos, non esse propriæ actus humanos: quia licet convenient homini, quatenus differt à brutis in essendo, non tamen quatenus differt in operando moraliter, seu cum indifferentia & libertate; in illis siquidem actionibus voluntas nec seipsum moveat, nec intellectum applicat, sed utraque potentia specialiter moveatur & applicatur ab Authore naturæ, ut infra patet.

C Adverte tamen cum Joanne à S. Thoma, quod licet ejusmodi actus indeliberati non possint dici simpliciter & absolute actus humani, possunt tamen appellari humani secundum quid, nempe causaliter & initiativè: quia quamvis non sunt actus deliberati, sunt tamen principium & initium deliberationis: sicut motus cordis est initiativè vitalis, non consummativè; quia licet in eo nondum perfectè se moveat animal, est tamen initium vita seu actionum in quibus animal se moveat.

D Inferes tertio, amorem beatificum non esse propriæ actum humanum: ille enim non est in libera hominis potestate, nec homo ex deliberatione rationis, & electione voluntatis ad illum se moveat & applicat, sed specialiter ad illum moveatur & applicatur à Deo.

Dices: Bonitas moralis soli actu humano convenire potest: Sed illa convenient amori Dei in patria: Ergo hic amor est actus humanus. Major patet, Minor probatur: Tum quia bonitas moralis consistit in conformitate ad rationem ut regulam dictantem quid agere oporteat; amor autem beatificus est maximè rationi conformis: Tum etiam quia hujusmodi amor facit hominem bonum moraliter, cum enim hoc efficiat in via, multò magis hoc præstat in patria, ubi est multò perfectior: Tum denique quia amor ille in patria retinet oppositionem moralem quam habebat in via cum odio Dei: Sed talis oppositio provenit ex bonitate morali: Ergo in patria est bonus moraliter.

E Respondeo duplècē esse bonitatem & moraliam moralē; unam objectivam, quæ sumitur ab objecto confono vel dissono rationi; alteram in exercitio, ratione cuius actus imputatur, & meritorius est, vel demeritorius. Si sermo fit de bonitate objectiva, concedendum est illam convenienti dilectioni Dei in patria: fertur enim in objectum consonum rationi: Sed haec bonitas non postulat necessariò actionem humanam & liberam. Si autem loquamur de bonitate morali in exercitio, negandum est convenire dilectioni Dei in patria: quia hæc bonitas nunquam est absque libertate, sicut nec meritum. Unde si actus charitatis in patria facit hominem moraliter bonum, sanctum, & perfectum, hoc non est, quia bonitatem moralē in exercitio habeat (sicut enim talis actus non est meritorius, ita nec bonus moraliter in exercitio) sed quia habet bonitatem moralē objectivam, ratione cuius omne malum morale